

地 200.147

233

11



東陽拾遺記

增攷

王	夢
申	選
仲	樓
夏	刊

敘

劉宋時鄭緝之撰東陽記一卷見隋書經籍志緝之里字未詳隋志於孝子傳下稱宋員外郎其官秩可攷見者止此隋志又稱緝之並撰永嘉郡記瑞安孫氏温州經籍志謂緝之爲二郡作記或繇游宦所至抑卽著籍在茲難以臆定云云今原書久佚說邪有永嘉郡記五則厘二集其爲後人所輯無疑東陽記概見於諸書中如梁劉昭後漢書郡國志注梁劉峻世說新語注後魏酈道元水經注隋杜公瞻編珠唐虞世南北堂書鈔歐陽詢藝文類聚徐堅初學記宋

敘

李昉等太平御覽羅泌路史葉廷珪海錄碎事樂史太平寰宇記吳淑事類賦明俞安期唐類函范泓典籍備覽弘治衢州府志萬厯常山縣志處州府志清光緒浦江縣志閒有存者眠之幾同吉光片羽曩余哀成拾遺藏之舊篋凡三稔矣今夏曝書緝加理董据宋書地理志東陽郡領縣九長山太末烏傷永康信安吳寧豐安定陽遂昌茲編依次甄錄凡三十有六則閒有零詞賸句未忍割愛或一事而諸書互見詳略各異者不嫌並出以備參稽後坳攷釋非敢自銜冀與邦人君子有所討論云爾宣統二年仲夏永



康胡宗楨敘

敘

二

東陽記拾遺

宋鄭緝之撰

永康胡宗楙輯

此境於會稽西部嘗置都尉理於此吳寶鼎元年始分會稽置東陽郡

郡內有九聲石形如鳥翅

遐字彥林河內人祖濤司徒父簡儀同三司遐歷武陵王友東陽太守江惇傳曰山遐爲東陽風政嚴苛多任刑殺郡內苦之惇隱東陽以仁恕懷物遐感其德爲微損威猛

東陽記拾遺

一

常山仙人采藥處高且神

北山有湖故老相傳云其下有居民曰徐公者常登嶺至此處見湖水湛然有二人共博於湖間自稱赤松子安期先生有一壺酒因酌以飲徐公徐公醉而寐其側比醒不復見二人而宿草攢蔓其上家人以爲死也喪服三年服竟徐公方反今其處猶爲徐公湖

北山去郡三十餘里有赤松廟故老相傳云其下有居民曰徐公者嘗登嶺至此處見湖水二人共博於

湖間自稱赤松子安期先生有一人酌酒以飲徐公
公醉而寐其側比醒不復見

北山有春草巖折竹巖仙姥巖間不生蔓草盡出龍
鬚尤多藥物

北山南面有春草巖巖澗盡生龍鬚草

銅山下有泉水色鮮白號爲銅泉

北山西崖有石林流水澆灌其側又有石田如稻云
室裏有洞穴有人採鐘乳入十餘日糧訖而穴不可
窮

獨公冢在縣東八十里有冢臨溪其甌文曰筮言吉
龜言凶三百年墮水中義熙中冢猶半存自後稍已
崩盡

獨公山有古冢臨溪其塼文曰筮言吉龜言凶三百
年墮水中義熙中冢猶半存自後稍以崩盡

龍丘山下有蘭溪

縣龍丘山有九石特秀林表色丹白遠望盡如蓮花
龍丘萋隱居於此因以爲名其峯際復有巖穴外如
窗牖中有石林巖前有一桃樹其實甚甘非山中自

有莫知誰植

龍邱山上有九石晴明遠望盡如芙蓉有龍邱萇隱其處因名龍邱山巖際有石巖外如窗牖中有石牀生龍鬚草檉柏望之五采呼爲新婦巖

晉隆安中孫恩遣偏師謝攻東陽東陽岑山下民間嶺上有鼓鞞聲若數萬人咸破潰而山上鼓鞞亦絕上應婺女故名之

赤烏八年分烏傷之上浦置爲永康縣屬會稽郡

仙都山孤石撐雲高六百餘丈世傳軒轅游此飛昇

東陽記拾遺

三

轍迹尙存石頂有湖生蓮花嘗有花一瓣飄落至東陽境於是山名金華

一名丹峯山

石公山孤石望如石人坐其傍又有石如人狀似新婦著花履焉或名新婦巖

石翁婦在永康縣傍有一石狀如婦人名曰石翁婦又名新婦巖

金独山永康縣南三里故老傳云有人得金独於此故名山

信安縣去石門四十里瀨邊悉有石牒長三尺許似羅列雜繪如店肆也

信安縣有懸室坂晉中朝時有民王質伐木至石室中見童子四人彈琴而歌質因留倚柯聽之童子以一物如棗核與質質含之便不復飢俄頃童子日其歸承聲而去斧柯漼然爛盡既歸質去家已數十年親情凋落無復向時比矣

東陽記拾遺

四

質狀棗核質取而含之便不復飢遂復少留亦謂俄頃童子日汝來已久何不速去質承而起所坐斧柯爛盡既歸計離家已數十年矣舊宅遷移室宇靡存遂號慟而絕

信安縣有懸室坂晉時有民王質伐木至石室中見童子四人彈瑟而歌質因留倚柯聽之童子以一物如棗核與質質含之便不復飢頃童子令其歸質承聲而去斧柯漼然爛盡既歸質去家已數十年親舊零落無復昔時

金純山有三峯悉數百尺色丹奪目不可仰視

歌山在吳寧縣故老相傳云昔有人乘船從下過見一女子浴汲乃登此山負水行歌姿態甚妍而莫知所由故名歌山

歌山在吳寧縣故老相傳云昔有乘船從下過見一女子乃登此山負水行歌甚善而莫知所由故名歌山

石步廊去歌山十里臨流虛構高可數丈長三十丈可容百人坐

東陽記拾遺

五

崑山去蕪城山十里峯嶺高峻故老傳云嶺上有圓池魚鱉具有池邊有竹極大風至垂屈掃地恆潔如人掃之

崑崙山頂有一孤石可高三十丈其形似甌人謂之石甌

孝子許孜父墓去虎山十里在山之麓曲隧三里鹿嘗食其松栽孜心念之即日鹿自死於所犯之下孜埋死鹿有小墳至今猶存

軒轅少女元修於此上昇故名

三衢山上有石周迴三百步

東陽記拾遺

六

東陽記拾遺終

東陽記攷

金兆豐署檢

夢	壬
選	申
樓	季
鋟	秋

東陽記攷

永康胡宗楸季樵

此境於會稽西部嘗置都尉理於此吳寶鼎元年始分會稽置東陽郡

見太平御覽卷一百七十一江南道婺州

史記秦本紀始皇二十五年定荆江南路降越君置會稽郡

宋書地理志會稽太守秦立治吳漢順帝永建四年分會稽爲吳郡會稽移治山陰又云東陽太守本會稽西部都尉吳孫皓寶鼎元年立領縣九長

東陽記攷

一

山令漢獻帝初平二年分烏傷立太末令漢舊縣烏傷令永康令赤烏八年分烏傷上浦立信安令漢獻帝初平三年分太末立日新安晉武帝太康元年更名吳甯令漢獻帝興平二年孫氏分諸暨立豐安令漢獻帝興平二年孫氏分諸暨立定陽令漢獻帝建安二十三年孫氏分信安立遂昌令孫權赤烏二年分太末立日平昌晉武帝太康元年更名

漢書百官公卿表郡尉秦官掌佐守典武職甲卒秩比二千石景帝中二年更名都尉

按東陽郡卽今金華衢州二府暨處州一部分之地又按漢時方有分部浙江爲吳及會稽兩郡之境故錢唐在西漢時屬會稽郡爲西部治所迨會稽移於浙東則西部卽屬於東陽尙有會稽東部都尉在臨海會稽南部都尉在建安卽今之台州福州據吳志賀齊傳建安十三年遷威武中郎將討丹陽黟歙時武彊葉鄉東陽豐浦四鄉先降云云後葉鄉改始新縣東陽改郡豐浦析爲豐安浦陽二縣光緒金華縣志云漢時一鄉當今一縣之地然則東陽本一鄉名後改爲郡仍沿厥稱晏公類要謂寶鼎元年置東陽郡在金華山之陽澗水之東故名東陽殆未知先有鄉名歟或取鄉名時因山取義亦未可知

郡內有九聲石形如鳥翅

見編珠

按編珠旣據東陽記則郡內自指東陽郡而言郡縣志無言九聲石者待攷

遐字彥林河內人祖濤司徒父簡儀同三司遐歷武陵王友東陽太守江惇傳曰山遐爲東陽風政嚴苛

多任刑殺郡內苦之惇隱東陽以仁恕懷物遐感其德爲微損威猛

見世說新語政事第三劉峻注

晉書山遐傳云後爲東陽太守爲政嚴猛帝詔曰東陽頃來竟囚每多入重豈郡多罪人將捶楚所求莫能自固耶遐處之自若

晉書江惇傳云惇字思悛蘇峻之亂避世東陽山太尉郗鑒檄爲兗州治中又辟太尉掾徵拜博士著作郎皆不就東陽太守阮裕長山令王濛皆一時名士並與惇游處深相欽重養志二十餘年

東陽記攷

三

按此亦言東陽郡事劉峻山棲志云江治中奮迅泥滓元吳師道敬鄉錄序言江治中王徵士非劉孝標之文則莫得而知卽此人惇父統陳留圉人

常山仙人採藥處高且神

見萬厯常山縣志山川門常山下

越絕外傳記吳地傳云烏傷縣常山古人所採藥也高且神

萬厯金華府志金華山在府城北二十里一名長山周三百六十里山前兩崖對峙高數百仞

光緒金華山志山川門金華山注縣北二十里一名長山或曰常山

按此言常山乃長山長山縣之所由名也卽今之金華縣治萬厯常山縣志引東陽記以此爲衢州之常山不知後漢書郡國志會稽郡烏傷注引越絕曰有常山古聖所採藥高且神並引英雄交爭記曰初平三年分縣南鄉爲長山縣是明指今金華縣而言於衢州之常山無涉且萬厯常山縣志稱常山一名湖山在縣東三十里山頂有田百餘畝湖廣數畝中有巨魚有石

東陽記攷

四

環繞如城故縣以此名云云並無高度亦未載採藥仙蹟與東陽記不相比埒又以抱朴子金丹篇攷之有云按仙經可以精思合作仙藥者有華山泰山霍山恆山嵩山少室山長山太白山諸山又稱長山太白在東陽夷堅志赤松山傳有九天元女天地人三丹冊府元龜元女修真金華山丹旣成以一祭天以一祭地以一自服則爲仙人採藥處言之鑿鑿是此常山卽金華之長山無疑

北山有湖故老相傳云其下有居民曰徐公者常登

嶺至此處見湖水湛然有二人共博於湖間自稱赤松子安期先生有一壺酒因酌以飲徐公徐公醉而寐其側比醒不復見二人而宿草攢蔓其上家人以爲死也喪服三年服竟徐公方反今其處猶爲徐公湖

見藝文類聚卷九湖並唐類函卷十八地部七湖北山去郡三十餘里有赤松廟故老相傳云其下有居民曰徐公者嘗登嶺至此處見湖水二人共博於湖間自稱赤松子安期先生有一人酌酒以飲徐公公醉而寐其側比醒不復見

見太平御覽卷六十六地部三十一湖並路史餘論卷二赤松石室

太平寰宇記引郡國志云徐公湖在長山上周迴四百八十六步昔山下居人徐公登山至湖逢二人共博自稱赤松子安期先生酌湖中水爲酒飲徐公醉及醒不見二人而宿莽攢聚其上徐公方追悔因名山焉

光緒金華縣志山川門金華山下又西南經徐公湖注一名千日醉盆中飛瀑瀉如玉虹下飲相傳皇初平兄弟登仙處

按此亦在長山縣境今有徐公宅基在此山
北山有春草巖折竹巖仙姥巖間不生蔓草盡出龍
鬚尤多藥物

見藝文類聚卷六巖並太平御覽卷十九時序部
春中典籍便覽地勢部山

北山南面有春草巖巖澗盡生龍鬚草
見編珠

康熙金華府志山川門金華縣山青草巖下或云
卽滕公巖折竹巖下縣北二十里金華山之陽太
平寰宇記云赤松羽化處

東陽記攷

六

光緒金華縣志山川門金華山下又自白蘭山西
行尖嘴巖牛肩峯南下東爲白巖注引吳錄地理
志云折竹巖間不生蔓草盡出龍鬚而鄭緝之東
陽記以此二語屬之仙姥巖今二巖皆不知處惟
白巖山間生龍鬚草或卽古之折竹仙姥歟

按此亦在長山縣境縣志以東陽記稱生龍鬚
草爲專屬仙姥巖而言不知編珠所載北山南
面有春草巖巖澗盡生龍鬚草是三巖皆生龍
鬚草不專屬仙姥明甚至指爲白巖則山脈旣
由牛肩峯南下與編珠所云北山南面尙合或